

საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტი

ბრძანება N 01-02/39

ქ. ბათუმი

18 მარტი, 2019 წელი

2018-2019 სასწავლო წლის გაზაფხულის სემესტრისათვის ბსუ-ს „დაწყებითი საფეხურის მასწავლებლის მომზადების ინტეგრირებულ საბაკალავრო-სამაგისტრო საგანმანათლებლო პროგრამაზე „დაწყებითი განათლების“ საბაკალავრო საგანმანათლებლო სტატუსშეჩერებულ სტუდენტთა ჩარიცხვისათვის რიგგარეშე შიდა მობილობის გამოცხადების შესახებ

2018-2019 სასწავლო წლიდან დაწყებული იქნა ბსუ-ს ზუსტ მეცნიერებათა და განათლების ფაკულტეტის „დაწყებითი საფეხურის მასწავლებლის მომზადების ინტეგრირებულ საბაკალავრო-სამაგისტრო“ საგანმანათლებლო პროგრამის განხორციელება (აკრედიტირებული უმაღლესი საგანმანათლებლო პროგრამების აკრედიტაციის საბჭოს 2018 წლის 8 აგვისტოს N 96 გადაწყვეტილებით).

ბსუ-ს ზუსტ მეცნიერებათა და განათლების ფაკულტეტის „დაწყებითი განათლების“ საბაკალავრო საგანმანათლებლო პროგრამის სტატუსშეჩერებული სტატუსის მქონე სტუდენტების უფლებებისა და ინსტერესების გათვალისწინებით ბსუ-ს აკადემიური საბჭოს 2019 წლის 1 მარტის N06-01/26 დადგენილებით მიზანშეწონად ჩაითვალია 2018-2019 სასწავლო წლის გაზაფხულის სემესტრისათვის გამოცხადდეს რიგგარეშე შიდა მობილობა, რათა ამ სტუდენტებს მიეცეთ შესაძლებლობა ისარგებლონ 2018 წლის 8 აგვისტოს აკრედიტირებულ „დაწყებითი საფეხურის მასწავლებლის მომზადების ინტეგრირებულ საბაკალავრო სამაგისტრო“ საგანმანათლებლო პროგრამაზე ჩარიცხვის უფლებით.

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, ბსუ-ს წესდების მე-13 მუხლის, „საგანმანათლებლო დაწესებულებების საგანმანათლებლო პროგრამების აკრედიტაციის დებულებისა და საფასურის დამტკიცების შესახებ“ საქართველოს განათლებისა და მეცნიერების მინისტრის 2011 წლის 4 მაისის N65/5 ბრძანების, საქართველოს განათლებისა და მეცნიერების მინისტრის 2010 წლის 4 თებერვლის №10/5 ბრძანებით დამტკიცებული „უმაღლესი საგანმანათლებლო დაწესებულებიდან სხვა უმაღლეს საგანმანათლებლო დაწესებულებაში გადასვლის წესი“-ს, ბსუ-ს აკადემიური საბჭოს 2015 წლის 8 ოქტომბრის №111 დადგენილებით დამტკიცებული „სასწავლო პროცესის მარეგულირებელი წესი“-ს მე-5 მუხლის, „საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტში მობილობის (შიდა მობილობის) განხორციელების წესის დამტკიცების თაობაზე“ ბსუ-ს რექტორის 2016 წლის 21 ივლისის N01-08/37 ბრძანების, „აკრედიტების აღიარებისა და პროგრამის შეცვლის ან გაუქმების შემთხვევაში ბსუ-ს სტუდენტთა შემდგომი განათლებით უზრუნველყოფის წესის დამტკიცების შესახებ“ ბსუ-ს აკადემიური საბჭოს 2017 წლის

29 ივნისის N55 დადგენილების, ბსუ-ს აკადემიური საბჭოს 2019 წლის 1 მარტის N06-01/26 დადგენილების, ზუსტ მეცნიერებათა და განათლების ფაკულტეტის დეკანის ლ. თურმანიძის 2019 წლის 21 თებერვლის MES 1 19 00207805 მოხსენებითი ბარათის საფუძველზე,

ვ ბ რ ძ ა ნ ე ბ:


1. 2018-2019 სასწავლო წლის გაზაფხულის სემესტრისათვის გამოცხადდეს რიგგარეშე შიდა მობილობა ბსუ-ს ზუსტ მეცნიერებათა და განათლების ფაკულტეტის „დაწყებითი განათლების“ საბაკალავრო საგანმანათლებლო პროგრამის შეჩერებული სტატუსის მქონე ბსუ-ს სტუდენტების 2018 წლის 8 აგვისტოს აკრედიტირებულ ბსუ-ს „დაწყებითი საფეხურის მასწავლებლის მომზადების ინტეგრირებულ საბაკალავრო სამაგისტრო“ საგანმანათლებლო პროგრამაზე ჩარიცხვის მიზნით.
2. წინამდებარე ბრძანებით გამოცხადებული შიდა მობილობის ვადები განისაზღვროს შემდეგნაირად:
 - ა) დოკუმენტაციის მიღება - 2019 წლის 20, 21 მარტი (განცხადება წარმოდგენილი უნდა იქნეს თანდართული ფორმით - დანართი 1);
 - ბ) კრედიტების აღიარება - 2019 წლის 22, 25 მარტი;
 - გ) კრედიტების აღიარების დასკვნაზე სტუდენტთა თანხმობის განცხადებების მიღება - 2019 წლის 25 მარტი (განცხადებები წარმოდგენილი უნდა იქნეს თანდართული ფორმით - დანართი 2);
 - დ) შიდა მობილობით სტუდენტთა ჩარიცხვის ბრძანების მომზადება - 2019 წლის 26 მარტი;
 - ე) ჩარიცხვის ბრძანების სსიპ - განათლების ხარისხის განვითარების ეროვნულ ცენტრში გაგზავნა - 2019 წლის 27 მარტი.
3. წინამდებარე ბრძანება გავრცელდეს ბსუ-ს ზუსტ მეცნიერებათა და განათლების ფაკულტეტის „დაწყებითი განათლების“ საბაკალავრო საგანმანათლებლო პროგრამის იმ სტუდენტებზე, რომელთათვის სტუდენტის სტატუსის შეჩერებიდან არ გასულა 5 წელი.
4. დაევალოს ბსუ-ს სასწავლო პროცესის დეპარტამენტს მობილობის პროცესის უნივერსიტეტის ხარისხის უზრუნველყოფის სამსახურთან შეთანხმებით წარმართვა და კოორდინირება.
5. წინამდებარე ბრძანებით გამოცხადებულ შიდა მობილობაში მონაწილე სტუდენტებს, რომლებსაც ერიცხებათ ფინანსური დავალიანება, მიეცეთ შესაძლებლობა ფინანსური დავალიანება დაფარონ 2018-2019 სასწავლო წლის გაზაფხულის სემესტრში, მიმდინარე სემესტრის სწავლის საფასურთან ერთად.
6. წინამდებარე ბრძანება გამოქვეყნდეს ბსუ-ს კანცელარიასთან და ზუსტ მეცნიერებათა და განათლების ფაკულტეტის საინფორმაციო დაფებზე, შესაბამის სტუდენტებს დაეგზავნოს სტუდენტური პორტალის მეშვეობით და განთავსდეს ბსუ-ს ვებგვერდზე.
7. ბრძანება გასაცნობად და აღსასრულებლად დაეგზავნოს ბსუ-ს ადმინისტრაციის ხელმძღვანელს, რექტორის მოადგილეებს, ბსუ-ს ზუსტ მეცნიერებათა და განათლების ფაკულტეტს, სტუდენტთა კარიერული განვითარებისა, კულტურისა და სპორტის დეპარტამენტს, საფინანსო-ეკონომიკურ

დეპარტამენტს, იურიდიულ დეპარტამენტს, საინფორმაციო ტექნოლოგიების
სამსახურს.

8. ბრძანების შესრულებაზე კონტროლი განახორციელოს რექტორის მოადგილემ,
პროფესორმა თამარ სირაძემ.

9. ბრძანება ამოქმედდეს ხელმოწერისთანავე.

რექტორი, ასოცირებული პროფესორი



მერაბ ხალვაში

ბსუ-ს რექტორის 2019 წლის 18 მარტის N----- ბრძანების
01-02/39
დანართი 1

ბსუ-ს რექტორს, ბატონ მერაბ ხალვაშს
ბსუ-ს ზუსტ მეცნიერებათა და განათლების ფაკულტეტის
„დაწყებითი განათლების“ საბაკალავრო
საგანმანათლებლო პროგრამის ----- სასწავლო წლის
შეჩერებული სტატუსის მქონე

ბსუ-ს სტუდენტ -----
(სახელი და გვარი)

ტელეფონი _____

მცხოვრები _____
(მიუთითეთ ზუსტი მისამართი და ტელეფონის ნომერი)

გ ა ნ ც ხ ა დ ე ბ ა

სურვილი მაქვს მონაწილეობა მივიღო ბსუ-ს რექტორის 2019 წლის 18 მარტის ბრძანებით გამოცხადებულ შიდა მობილობაში, ჩავირიცხო და სწავლა გავაგრძელო ბსუ-ს „დაწყებითი საფეხურის მასწავლებლის მომზადების ინტეგრირებულ საბაკალავრო-სამაგისტრო საგანმანათლებლო პროგრამაზე.

ვადასტურებ, რომ გავეცანი „საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტში მობილობის (შიდა მობილობის) განხორციელების წესის დამტკიცების თაობაზე“ ბსუ-ს რექტორის 2016 წლის 21 ივლისის N01-08/37 ბრძანებას და „2018-2019 სასწავლო წლის გაზაფხულის სემესტრისათვის ბსუ-ს „დაწყებითი საფეხურის მასწავლებლის მომზადების ინტეგრირებულ საბაკალავრო-სამაგისტრო საგანმანათლებლო პროგრამაზე „დაწყებითი განათლების“ საბაკალავრო საგანმანათლებლო სტატუსშეჩერებულ სტუდენტთა ჩარიცხვისათვის რიგგარეშე შიდა მობილობის გამოცხადების შესახებ“ ბსუ-ს რექტორის 2019 წლის 18 მარტის ბრძანებას.

„.....“ „.....“ 2019 წ.

ხელმოწერა

ბსუ-ს რექტორის 2019 წლის 18 თებერვლის N----- ბრძანების
01-02/39
დანართი 2

ბსუ-ს რექტორს, ბატონ მერაბ ხალვაშს
ბსუ-ს ზუსტ მეცნიერებათა და განათლების ფაკულტეტის
„დაწყებითი განათლების“ საბაკალავრო
საგანმანათლებლო პროგრამის ----- სასწავლო წლის
შეჩერებული სტატუსის მქონე

ბსუ-ს სტუდენტ -----
(სახელი და გვარი)

ტელეფონი _____

მცხოვრები _____
(მიუთითეთ ზუსტი მისამართი და ტელეფონის ნომერი)

გ ა ნ ც ხ ა დ ე ბ ა

(შიდა მობილობის შედეგად კრედიტების აღიარების დასკვნაზე სტუდენტის თანხმობის
თაობაზე)

მონაწილეობა მივიღე ბსუ-ს რექტორის 2019 წლის 18 მარტის ბრძანებით გამოცხადებულ
შიდა მობილობაში, გავეცანი ჩემ მიერ გავლილი კრედიტების ბსუ-ს ზუსტ მეცნიერებათა
და განათლების ფაკულტეტის „დაწყებითი საფეხურის მასწავლებლის მომზადების
ინტეგრირებულ საბაკალავრო-სამაგისტრო“ საგანმანათლებლო პროგრამასთან
თავსებადობის დასკვნას და თანახმა ვარ _____ კრედიტის აღიარებით სწავლა გავაგრძელო ამ
საგანმანათლებლო პროგრამაზე სწავლების _____ სემესტრიდან.

ხელმოწერა: _____

თარიღი: -----